


苏仲翔 著

風流人物無雙譜



版社

苏仲翔著

风流人物无双谱

四川人民出版社

一九八五年·成都

1063183

责任编辑：孙伯鲁

封面设计：曹辉禄

技术设计：杨 潮

盛寄萍

风流人物无双谱

苏仲翔

四川人民出版社出版

(成都盐道街三号)

四川省新华书店发行

七二三四印刷厂印刷

开本787×960毫米1/32印张2.375插页4字数28千

1985年12月第一版

1985年12月第一次印刷

印数：1—7.400册

书号：10118·1008

定价：0.60元

前 言

《风流人物无双谱》一卷，凡三十有六人。其间去取，颇费经营。屈狷庄狂，庶几莫逆。忆五十年前，尝广曾涤生氏《圣哲画像记》为五十三人，俾符华严童子参问之数。今兹所选，顿异曩观，唐突前贤，所不计也。友人龚君仲和，复为造像插图，俾臻完美。爰付刊行，用申雅慕，世有同心，定符玄赏。甲子三月苏仲翔记于海上钵水斋。

目 录

范 蠡	(5)
鲁 连	(7)
庄 周	(9)
屈 原	(11)
贾 谊	(13)
司马相如	(15)
司马迁	(16)
张 良	(19)
诸葛亮	(20)
谢 安	(23)
王羲之	(25)
王 维	(27)
曹 植	(29)
陶 潜	(31)
谢灵运	(33)
李 白	(35)
柳宗元	(37)
杜 甫	(39)

颜真卿	(41)
白居易	(42)
刘禹锡	(45)
韩 愈	(46)
王安石	(47)
苏 轼	(49)
李清照	(51)
陆 游	(53)
辛弃疾	(55)
黄庭坚	(57)
王实甫	(58)
关汉卿	(59)
汤显祖	(60)
徐霞客	(61)
黄道周	(62)
曹雪芹	(63)
王渔洋	(64)
龚自珍	(65)
后 记	(66)
附：广圣哲画像记	(67)



(一) 范 蠡

绝世风流范大夫，竟凭一女沼全吴。
想当情许浣纱际，未必功成不自居。

①范蠡灭吴返至五湖，辞于王曰：“君王勉之，臣不复入于越国矣。”王曰：“不谷疑子之所谓者何也？”范蠡对曰：“臣闻之，为人臣者，君忧臣劳，君辱臣死。昔者君王辱于会稽，臣所以不死者，为此事也。今事已济矣，蠡请从会稽之罚。”王曰：“……子听吾言，与子分国；不听吾言，身死妻子为戮。”范蠡对曰：“臣闻命矣，君行制，臣行意。”遂乘轻舟，以浮于五湖，莫知其所终极。

（《国语·越语》）

②西施亡吴后归范蠡，同泛五湖而去。（《越绝书》）



(二) 鲁 连

排难解纷耻帝秦，围城玉貌老风尘。

高怀千载谁能识，只有青莲是解人。

①鲁连见新垣衍而无言。新垣衍曰：“吾视居此围城之中者，皆有求于平原君者也；今吾视先生之玉貌，非有求于平原君者，曷为久居围城之中而不去也？”鲁连曰：“彼秦者，弃礼义而上首功之国也，权使其士，虏使其民。彼即肆然而为帝，去而遂正于天下，则连有赴东海而死，吾不忍为之民也。所为见将军者，欲以助赵也。”（《战国策·赵策》）

②齐有倜傥生，鲁连特高妙。明月出海底，一朝开光耀。却秦振英声，后世仰末照。意轻千金赠，顾向平原笑。吾亦淡荡人，拂衣可同调。（李白《古风》）



(三) 庄 周

漆园小吏隐偏宜，妙手文章偶得之。

秋水马蹄成绝唱，春风梦蝶足相思。

①庄子者，蒙人也，名周。周尝为漆园吏，与梁惠王、齐宣王同时。其学无所不窥，然其要本归于老子之言。故其著书十余万言，大抵率寓言也。

（《史记·老子韩非列传》）

②《马蹄》、《秋水》，《庄子外篇》篇名。

③古人非傲吏，自关经世务。偶寄一微官，婆娑数株树。（王维诗）

④昔者庄周梦为胡蝶，栩栩然胡蝶也。自喻适志与，不知周也。俄然觉，则蘧蘧然周也。不知周之梦为胡蝶与？胡蝶之梦为周与？周与胡蝶，则必有分矣。此之谓物化。（《庄子·齐物论》）

(四) 屈 原

颂桔佩兰郁楚骚，天生南国一诗豪。
好修未算平生误，芳草汀洲讬迹高。

①何昔日之芳草兮，今直为此萧艾也？岂其有他故兮，莫好修之害也。（《离骚》）

②纷吾既有此内美兮，又重之以修能。扈江离与辟芷兮，纫秋兰以为佩。（《离骚》）

③《桔颂》，楚词篇名，屈原自喻贞洁之作。



(五) 贾 谊

赋鵬浮湘泪满巾，睠怀故国仰灵均。
治安一策关天下，绛灌椒兰耻与亲。

①贾生名谊，洛阳人也。年十八，以能诵诗属书，闻于郡中。……是时贾生年仅二十余，最为少。每诏令议下，诸老先生不能言，贾生尽为之对，人人各如其意所欲出。诸生于是乃以为能，不及也。于是天子议以贾生任公卿之位，绛、灌、东阳侯、冯敬之属尽害之，乃短贾生曰：“洛阳之人，年少初学，专欲擅权，纷乱诸事”。于是天子后亦疏之，不用其议。乃以贾生为长沙王太傅。贾生既辞往行，及渡湘水，为赋以吊屈原。……贾生为长沙王太傅三年，有鸩飞入贾生舍，止于坐隅。楚人命鸩

曰鵩。贾生既以适居长沙，长沙卑湿，自以寿不得生，伤悼之，乃为赋以自广。（《史记·屈原贾生列传》）

②屈原虽放流，睠顾楚国，系心怀王，不忘欲返，冀幸君之一悟，俗之一改也。（同上）

③贾生《陈政事疏》，举天下事之可为痛哭者一，可为流涕者二，可为长太息者六，类关安危大计。

④椒兰指子椒、子兰及上官大夫等。